

Leec Goh Loc Xih

歌罗西书

Haemk Lail

1 Baox Loc baengh meix xangk Wangc Menl, weex lagx paik dos Jih Duc Yeeh Suh jah daengh jaix nongx Tiic Moh Taip, ²xap senk dos lagx bings singh Goh Loc Xih daengh jaix nongx dens sais nyaoh aox Jih Duc jah. Dogc liangp singc qaenp、taik biingc, dah Bux Wangc Menl daol wunx dos xaop.

Baox Loc Gaiv Nyenc Goh Loc Xih Xeeep Singc Wangc Menl

³Jiul xeeep singc Wangc Menl、Bux Yeeh Suh Jih Duc Xus daol, bens nyimp xaop yogc yuih. ⁴Yenv yuih lis qingc xaop nyaoh aox Yeeh Suh Jih Duc lis senk sais, eengv lis sais liangp dos douc lagx bings singh, ⁵JANGS yenv yuih menv dos sais nyimp xaop songk nyaoh wul menl jah; dos sais naih laengx JANGS xaop xic unv nyaoh wul banc lix XINGV jah lis qingc, suh JANGS sungp lail. ⁶Sungp lail naih xonc touk aox xaop, buh xonc touk daengc dees mas menl, wenp duil demh, eengv dangv dangv mags map, xah xongs nyaoh dav xaop laot yangh: xaop dens qit lis qingc sungp lail, nyaengc wox singc qaenp Wangc

问候

1 奉神旨意，作基督耶稣使徒的保罗和兄弟提摩太，²写信给歌罗西的圣徒，在基督里有忠心的弟兄。愿恩惠、平安从神我们的父归与你们。

保罗为歌罗西人感谢神

³我们感谢神、我们主耶稣基督的父，常常为你们祷告。⁴因听见你们在基督耶稣里的信心，并向众圣徒的爱，⁵是为那给你们存在天上的盼望；这盼望就是你们从前在福音真理的道上所听见的。⁶这福音传到你们那里，也传到普天之下，并且结果、增长，如同在你们中间，自从你们听见福音，真知道神恩惠的日子一样。⁷正如你

Menl, wenp duil demh, eengv dangv dangv mags map. ⁷Xah xongs xaop dah Yix Bah Fuc mungx jiul xogp、nyimp jiul gaenx siic weex lagx eit jah xoc map menv jah. Maoh nyimp xaop dens sais weex sangh beenh siih dos Jih Duc, ⁸buh deic sais liangp xaop nyaoh aox Guaenl Menl jah lebc jiul yangx.

Bens Xenp Jih Duc Daengh Ongl Jih Duc

⁹Il naih, jiul dah maenl lis qingk jah, buh suh laengx bens nyimp xaop yogc yuih qouc Wangc Menl, dogc liangp xaop dah Guaenl Menl lis longc diux daengh longc iut, daengc longc ledp wox meix xangk Wangc Menl; ¹⁰lail aol xaop beenh siih weex nyenc doiv lis Xus, MEEC heenk siih mangc lis maoh xogp, nyaoh wul siih lail wenp duil demh, dangv dangv gungc wox Wangc Menl; ¹¹XAOL benh siih maoh mungl guanl jah, nyaoh wul OIL hangc OIL yangh soh legc jah eengv qimp soh legc, lail aol xaop MEEC heenk siih mangc xeengp xeengp sais sais weex yaens songk longc kuanqt; ¹²eengv keep singc Bux, aol daol nyimp daengc menv lagx bings singh nyaoh dav guangl gaenx lis eel jiv. ¹³Maoh juv daol todt ugs menv deic biingv env dengv duml jah, deic daol bonh touk aox guagl Lagx maoh eiv jah; ¹⁴daol nyaoh aox Lagx Eiv lis xogc juv, soix buh lis todt douv.

¹⁵Lagx Eiv JANGS mungx lis yangh Wangc Menl、dal nyenc nuv MEEC ugs jah, JANGS lagx gaos guanl, nyaoh dah unv menv weenh xonh daengv ugs map jah. ¹⁶Yenv yuih sinp baenl weenh xonh ledp JANGS baengh maoh saoh, MEEC heenk JANGS menv wul menl、menv dees

们从我们所亲爱、一同作仆人的以巴弗所学的。他⁷为你们（有古卷作“我们”）作了基督忠心的执事，⁸也把你们因圣灵所存的爱心告诉了我们。

基督的本性和工作

⁹因此，我们自从听见的日子，也就为你们不住地祷告祈求，愿你们在一切属灵的智慧悟性上，满心知道神的旨意；¹⁰好叫你们行事为人对得起主，凡事蒙他喜悦，在一切善事上结果子，渐渐地多知道神；¹¹照他荣耀的权能，得以在诸般的力上加力，好叫你们凡事欢欢喜喜地忍耐宽容；¹²又感谢父，叫我们能与众圣徒在光明中同得基业。¹³他救了我们脱离黑暗的权势，把我们迁到他爱子的国里；¹⁴我们在爱子里得蒙救赎，罪过得以赦免。

¹⁵爱子是那不能看见之神的像，是首生的，在一切被造的以先。¹⁶因为万有都是靠他造的，无论是天上的、地上的、能看见的、不能看见的；或是有位的、

dih; menv nuv lis ugs、menv nuv MEEC ugs; MEEC XIH menv suiv daengv jeeuh jah、weex lis xus jah、weex mungx jah、deic env jah, ledp JANGS menv baengh maoh saoh jah, eengv JANGS nyimp maoh saoh jah. ¹⁷Maoh map dah unv sinp baenl weenh xonh; sinp baenl weenh xonh buh baengh maoh daengv. ¹⁸Maoh buh JANGS Gaos Laox daengc wagx juml; maoh JANGS Mungx dens qit, JANGS Mungx jih edl dah deil xonv soh jah, aol maoh suiv daengv jeeuh jih edl nyaoh daengc menv siih naih siih jav. ¹⁹Yenv yuih Bux xogp Lagx maoh hangc hangc ledp xonh xuh. ²⁰XUIP baengh padt maoh nyaoh wul meix siik eev ledp jah weex wenp taik biingc, laengx baengh maoh sint weex sinp baenl weenh xonh, MEEC heenk JANGS menv dees dih、JANGS menv wul menl, ledp nyimp XENP BENS DAENGL yuih yangx.

²¹Xaop xic unv nyimp Wangc Menl egs duv, yenv yuih weex pak, aox longc nyimp maoh DAENGL yax. ²²Xic naih maoh baengh xenp nanx Jih Duc deil jah, aol xaop nyimp bens DAENGL yuih, ledp wenp bings singh, MEEC LIS duc mangc xap xiut, MEEC LIS duc mangc douh guaiv, deic xaop yenx touk dav nas XENP BENS. ²³Xah laot yuv xaop nyaoh wul banc lix senk jah songk sais, dens sangp jaens guadi MEEC neip, jav xih MEEC douv menv dos sais sungp lail jah miidx bail; sungp lail naih laengx JANGS menv xaop lis qingk dah jah, buh JANGS xonc dos daengc dees mas menl weenh nyenc qingk; yaoc Baox Loc buh weex sangh beenh siih dos sungp lail naih.

主治的、执政的、掌权的，一概都是借着他造的，又是为他造的。¹⁷他在万有之先；万有也靠他而立。¹⁸他也是教会全体之首；他是元始，是从死里首先复生的，使他可以在凡事上居首位。¹⁹因为父喜欢叫一切的丰盛，在他里面居住。²⁰既然借着他在十字架上所流的血成就了和平，便借着他叫万有，无论是地上的、天上的，都与自己和好了。

²¹你们从前与神隔绝，因着恶行，心里与他为敌。²²但如今他借着基督的肉身受死，叫你们与自己和好，都成了圣洁，没有瑕疵，无可责备，把你们引到自己面前。²³只要你们在所信的道上恒心，根基稳固，坚定不移，不至被引动失去（原文作“离开”）福音的盼望；这福音就是你们所听过的，也是传与普天下万人听的（“万人”原文作“凡受造的”），我保罗也作了这福音的执事。

Benh Ongl Baox Loc Nyaoh Wagx Jumli Jah

²⁴Xic naih yaoc GAIV xaop douh egs nanh, daov qingk xeengp sais; eengv wil xenp xangh Jih Duc, laengx JANGS wil wagx jumli, yuv nyaoh wul xenp nanx yaoc deic menv Jih Duc douh egs nanh doiv xap xiut jah bogl digs. ²⁵Wil behn lail xaop, Wangc Menl deic behn ongl naih saip dos yaoc, aol yaoc weex lagx eit dos wagx jumli, yuv deic banc lix Wangc Menl xonc lail; ²⁶banc lix naih laengx JANGS menv wap yaeml saemh bail saemh map jaemc xup jah, xic naih nyimp lagx bings singh maoh xeenk ugs map yangx. ²⁷Wangc Menl xogp aol JAH MAOH wox, wap yaeml naih nyaoh aox nyenc mangv nugs mungl guanl digs nas nup yangh, laengx JANGS Jih Duc nyaoh aox longc xaop; wenp menv mungl guanl xaop dos sais jah. ²⁸Daol naok maoh, JANGS aol OIL hangc OIL yangh longc diux, qeenk ags mungx nyenc, eeus ags mungx nyenc, yuv deic ags mungx nyenc nyaoh aox Jih Duc xonc xonc xuh xuh daiv touk dav nas Wangc Menl. ²⁹Yaoc buh yenv yuih menv naih deil hut, yongh behn siih laox maoh nyaoh aox yaoc paic buh jah ledp semp songk legc.

2 Dogc liangp xaop wox yaoc nyimp xaop daengh nyenc Laox Diix Jax, eengv daengc menv nyenc mix lis nyimp yaoc DAENGL jiniv dah jah, JANGS il nup ledp semp songk legc, ²yuv aol JAH MAOH aox longc lis xoik sais, lis sais DAENGL binc DAENGL liangp, aol weex touk aox longc JAH MAOH lis sais wox digs miebs, aol JAH MAOH nyaengc wox wap yaeml Wangc Menl, laengx JANGS Jih Duc; ³daengc menv longc diux longc

保罗在教会的职分

²⁴现在我为你们受苦，倒觉欢乐；并且为基督的身体，就是为教会，要在我肉身上补满基督患难的缺欠。²⁵我照神为你们所赐我的职分，作了教会的执事，要把神的道理传得全备；²⁶这道理就是历世历代所隐藏的奥秘，但如今向他的圣徒显明了。²⁷神愿意叫他们知道，这奥秘在外邦人中有何等丰盛的荣耀，就是基督在你们心里成了有荣耀的盼望。²⁸我们传扬他，是用诸般的智慧，劝戒各人、教导各人，要把各人在基督里完完全全地引到神面前。²⁹我也为此劳苦，照着他在里面运用的大能尽心竭力。

2 我愿意你们晓得我为你们和老底嘉人，并一切没有与我亲自见面的人，是何等地尽心竭力，²要叫他们的心得安慰，因爱心互相联络，以致丰丰足足在悟性中有充足的信心，使他们真知神的奥秘，就是基督；³所积蓄的一切

leec juml jah, ledp jaemc nyaoh aox maoh.
⁴Yaoc wah sungp naih, mienx lis lis nyenc aol
 sungp kuanp lix nyongc map munc dal xaop.
⁵Xenp xangh yaoc nyimp xaop DAENGL egs, sais
 longc nyimp xaop gaenx nyaoh, nuv xaop deic
 banc qamt XINGV, aox longc jaens guadi senk Jih
 Duc, yaoc laengx xeengp sais yangx.

Meix Mingh Xonc Xuh Nyaoh Aox Jih Duc

⁶Xaop XUIP sibs xup Xus Jih Duc Yeeh Suh,
 laengx yuv XAOL sungp maoh bail weex, ⁷nyaoh
 aox maoh songk sangp wenp soh, senk sais
 jaens guadi, xah xongs menv xaop lis eeus jah,
 xaop buh yuv daengc longc nyenh singc maoh.
⁸Xaop yuv xingl ngic, xah yaot lis nyenc deic
 sungp yaeml daengh lix ongp DINGV, MEEC XAOL
 Jih Duc, bens XAOL banc aov ongs bux daengh
 jiuic liix dees mas menl, laengx deic xaop xeengl
 liodx bail. ⁹Yenv yuih bens xenp xonc xuh Wangc
 Menl, ledp nyaoh aox Jih Duc nyaoh, ¹⁰xaop
 nyaoh aox maoh buh lis benh nal. Maoh JANGS
 Gaos Laox dos menv weex mungx jah daengh
 menv deic env jah. ¹¹Xaop nyaoh aox maoh buh
 weex liix ads, liix ads naih MEEC JANGS menv miac
 nyenc weex jah, xah JANGS menv baengh Jih Duc
 todt bail xenp nanx sais xeengp jah. ¹²Xaop XUIP
 xugs xenp nyimp maoh gaenx siic sangv, buh
 laengx nyimp maoh gaenx siic xonv soh, ledp
 yenv yuih xaop senk benh siih Wangc Menl aol
 maoh dah deil xonv soh jah. ¹³Xaop gobs qit
 WEENP soix daengh baengh xenp nanx mix weex
 liix ads jah deil yangx, Wangc Menl siip todt
 lieeux soix xaop (lis leec aov "xaop" weex "daol"), aol
 xaop nyimp Jih Duc gaenx siic xonv soh map;

智慧知识，都在他里面藏着。⁴我说这话，免得有人用花言巧语迷惑你们。⁵我身子虽与你们相离，心却与你们同在，见你们循规蹈矩，信基督的心也坚固，我就欢喜了。

基督生命的丰盛

⁶你们既然接受了主基督耶稣，就当遵他而行，⁷在他里面生根建造，信心坚固，正如你们所领的教训，感谢的心也更增长了。⁸你们要谨慎，恐怕有人用他的理学和虚空的妄言，不照着基督，乃照人间的遗传和世上的小学，就把你们掳去。⁹因为神本性一切的丰盛，都有形有体地居住在基督里面，¹⁰你们在他里面也得了丰盛。他是各样执政掌权者的元首。¹¹你们在他里面，也受了不是人手所行的割礼，乃是基督使你们脱去肉体情欲的割礼。¹²你们既受洗与他一同埋葬，也就在此与他一同复活，都因信那叫他从死里复活神的功用。¹³你们从前在过犯和未受割礼的肉体中死了，神赦免了你们（有古卷作“我们”）一切过犯，便叫你们与基督一同

¹⁴eengv miads bail menv nyaoh wul banc konx xagx daol、daengs daol jah, deic menv naih lidx bail, dags nyaoh wul meix siik eev. ¹⁵XUIP deic daengc menv weex mungx jah daengh menv deic env jah sabp liodx map, xeenk ugs dos wagx jenl nuv, laengx baengh meix siik eev bus xux. ¹⁶Il naih MEEC heenk nyaoh wul EBL JIL, MEEC XIH dah sigs、nyanl meik、maenl sav soh, ledp bix saip nyenc dadl donv xaop. ¹⁷Menv naih bens JANGS yings siih lenc; jagc xenp xangh jah nyaengc JANGS Jih Duc. ¹⁸Bix saip nyenc yenv yuih uv weex buih taemk, daengh baiv nyenc menl, laengx xeengl menv bus saip xaop jah bail. Daengs nyenc naih gonh xonv nyaoh aox yangh liogp jah, suic xenp nanx bens, ags weex mags, ¹⁹deic MEEC jaens gaos; daengc xenp XUIP baengh maoh, enl lags lis DAENGL gaic DAENGL yidx, laengx yenv yuih Wangc Menl xih lis qak pangp.

Nyanl Maenl Meik Aox Jih Duc

²⁰Nuv baov xaop JANGS nyimp Jih Duc gaenx deil, todt ugs jiuc liix dees mas menl, weex duc mangc naengl xongs soh nyaoh dees mas menl, ²¹senk menv jiuc konx: “Bix deic、bix qingk、bix kuap” jah? ²²Menv naih ledp JANGS XAOL menv nyenc YADC、XAOL menv nyenc eeus jah. Wah touk menv naih, eev yongh xic jah laengx ledp baengl pak yangx. ²³Dah nugs nuv bail, baiv xenc sinp、uv weex buih taemk、hut daiv XENP BENS menv siih naih xongs nyenc JANGS longc diux, MEEC xik wah, menv naih nyaoh wul siih sugx yadc sais xeengp xenp nanx jah nyil jeengx ledp MEEC LIS duc mangc yongh.

活过来，¹⁴又涂抹了在律例上所写攻击我们、有碍于我们的字据，把它撤去，钉在十字架上。¹⁵既将一切执政的、掌权的掳来，明显给众人看，就仗着十字架夸胜。¹⁶所以不拘在饮食上，或节期、月朔、安息日，都不可让人论断你们。¹⁷这些原是后事的影儿；那形体却是基督。¹⁸不可让人因着故意谦虚，和敬拜天使，就夺去你们的奖赏。这等人拘泥在所见过的，随着自己的欲心，无故地自高自大，¹⁹不持定元首，全身既然靠着祂，筋节得以相助联络，就因神大得长进。

基督里的新生活

²⁰你们若是与基督同死，脱离了世上的小学，为什么仍像在世俗中活着，²¹服从那“不可拿、不可尝、不可摸”等类的规条呢？²²这都是照人所吩咐、所教导的。说到这一切，正用的时候就都败坏了。²³这些规条使人徒有智慧之名，用私意崇拜，自表谦卑，苦待己身，其实在克制肉体的情欲上是毫无功效。

3 Il naih, nuv baov xaop nyaengc nyimp Jih Duc gaenx siic xonv soh, laengx douh semh siih wul menl; aox jav us Jih Duc suiv nyaoh mangv wap Wangc Menl. ²Xaop yuv sais nyenh menv siih wul menl jah, bix yuv sais nyenh menv siih dees dih. ³Yenv yuih xaop saemp doh deil yangx, meix mingh xaop nyimp Jih Duc gaenc siic xup songk nyaoh aox Wangc Menl. ⁴Jih Duc JANGS meix mingh daol, maoh xeenk ugs xic jah, xaop buh yuv nyimp maoh gaenx siic nyaoh aox guanl wap xeenk ugs.

⁵Il naih, yuv weex deil menv beev xenp xaop nyaoh dees dih jah; laengx xongs weex lanh, wav nyav, bongc semp daos sais, meix xangk yax daengh sais taemp, sais taemp laengx xongs baiv yings yangh laot yangh. ⁶Yenv yuih menv siih naih, Wangc Menl ouv qik dogl touk wul xenp menv nyenc daov qamt jah. ⁷Xaop soh nyaoh aox menv siih naih xic jah, buh il naih weex dah. ⁸Xic naih xaop yuv weex laot baenv wangk menv siih naih: siih DAENGL saengl, ouv qik, meix yax, sungp xagx Wangc Menl daengh sungp wav peep ebl. ⁹Bix yuv DAENGL DINGV, yenv yuih xaop todt bail nyenc aov daengh yangh neip nyenc aov weex jah, ¹⁰daens nyenc meik yangx; nyenc meik naih nyaoh wul longc leec dangv dangv taot meik, xah xongs yangh Mungx daengv maoh jah. ¹¹Nyaoh naih MEEC pieek nyenc Xih Lac daengh nyenc Yuc Taip, nyenc weex liix ads daengh nyenc mix weex liix ads, nyenc guagl jenl, nyenc Xih Gux Tiic, nyenc weex lagx eit daengh nyenc ags weex xus; xah laot Jih Duc JANGS dugx lieeux

3 所以，你们若真与基督一同复活，就当求在上面的事；那里有基督坐在神的右边。²你们要思念上面的事，不要思念地上的事。³因为你们已经死了，你们的生命与基督一同藏在神里面。⁴基督是你们（有古卷作“我们”）的生命，他显现的时候，你们也要与他一同显现在荣耀里。

⁵所以，要治死你们在地上的肢体，就如淫乱、污秽、邪情、恶欲和贪婪，贪婪就与拜偶像一样。⁶因这些事，神的忿怒必临到那悖逆之子。⁷当你们在这些事中活着的时候，也曾这样行过。⁸但现在你们要弃绝这一切的事，以及恼恨、忿怒、恶毒（或作“阴毒”）、毁谤，并口中污秽的言语。⁹不要彼此说谎，因你们已经脱去旧人和旧人的行为，¹⁰穿上了新人；这新人在知识上渐渐更新，正如造他主的形象。¹¹在此并不分希腊人、犹太人、受割礼的、未受割礼的、化外人、西古提人、为奴的、自主的；惟有基督是包括一切，又住在各人之内。

daengc menv jav, maoh eengv nyaoh aox longc ags mungx nyenc jav.

¹²Il naih, xaop XUIP JANGS begs singk Wangc Menl LAIH jah, nyenc bings singh lis liangp, laengx yuv xengc yagc sac、sais lail、buih taemk、sais mas、weex yaens nyaoh aox longc.

¹³Nuv baov mungx nyenc naih nyimp mungx nyenc jav DAENGL aov, bens yuv DAENGL dugc, DAENGL nyangh; Xus weex nup nyangh xaop, xaop buh yuv weex jav nyangh nyenc. ¹⁴Nyaoh mangv wul menv naih, yuv LIS sais liangp, sais liangp laengx JANGS DAENGL gaic DAENGL sabb wenp xonc xuh. ¹⁵Eengv yuv aol taik biingc Jih Duc nyaoh aox longc xaop weex xus; xaop buh yenv yuih menv naih lis LAIH, wunx weex il xenp, eengv yuv LIS sais xeeep singc. ¹⁶Yuv deic banc lix Jih Duc songk nyaoh aox longc digc digc miebs miebs; aol longc diux OIL hangc OIL yangh DAENGL eeus, DAENGL qeenk; baengh sais douh singc neip, aol al bus、lix bus、al guaenl bus Wangc Menl. ¹⁷MEEC heenk weex duc mangc, wah sungp, beenh siih, ledp yuv baengh guanl Xus Yeeh Suh, yaml maoh nyenh singc Wangc Menl Bux.

Meix Dabs Nyanl Maenl Meik

¹⁸Menv xaop weex maix jah, yuv qingc sungp SAOX XENP BENS, menv naih nyaoh aox Xus JANGS douh xebp. ¹⁹Menv xaop weex saox jah, yuv liangp maix xaop, bix yuv kuip daiv JAH MAOH. ²⁰Menv xaop weex duc lagx jah, MEEC heenk menv siih mangc yuv qingc sungp bux neix, yenv yuih menv naih JANGS Xus sais xogp. ²¹Menv xaop weex bux jah, bix yuv weex duc

¹² 所以你们既是神的选民，圣洁蒙爱的人，就要存（原文作“穿”。下同）怜悯、恩慈、谦虚、温柔、忍耐的心。¹³ 倘若这人与那人有嫌隙，总要彼此包容，彼此饶恕；主怎样饶恕了你们，你们也要怎样饶恕人。¹⁴ 在这一切之外，要存着爱心，爱心就是联络全德的。¹⁵ 又要叫基督的平安在你们心里作主；你们也为此蒙召，归为一体，且要存感谢的心。¹⁶ 当把基督的道理丰富丰富地存在心里，以各样的智慧，用诗章、颂词、灵歌，彼此教导，互相劝戒，心被恩感，歌颂神。¹⁷ 无论做什么，或说话或行事，都要奉主耶稣的名，借着感谢父神。

新生活的社会责任

¹⁸ 你们作妻子的，当顺服自己的丈夫，这在主里面是相宜的。¹⁹ 你们作丈夫的，要爱你们的妻子，不可苦待她们。²⁰ 你们作儿女的，要凡事听从父母，因为这是主所喜悦的。²¹ 你们作父亲的，不要惹儿女的气，

lagx ouv qik, xah yaot JAH MAOH lieeux meix xangk lail. ²²Menv xaop weex lagx eit jah, MEEC heenk siih mangc yuv qingc sungp Xus yanc xenp nanx xaop, bix yuv guangh laot nyaoh dav nas bonc buih, xongs uv weex aol nyenc xogp, bens yuv dens sais juiv yaot Xus. ²³MEEC heenk weex duc mangc, ledp yuv dah aox longc weex; xongs JANGS nyimp Xus weex, MEEC JANGS nyimp nyenc weex; ²⁴yenv yuih xaop wox dah Xus geel jah jingh lis eel jiv saip pieek dos xaop. Mungx xaop bonc buih jah laengx JANGS Xus Jih Duc. ²⁵Menv nyenc weex siih MEEC douh liix jah, bens yuv douh menv siih MEEC douh liix jah beis nyaenx; Xus MEEC piinp daiv nyenc.

4 Menv xaop weex xus yanc jah, yuv laot yangh daiv lagx eit, yenv yuih wox xaop buh lis il mungx Xus nyaoh wul menl.

Qeenk Eeus

²Xaop yuv yenc yenc yogc yuih Wangc Menl, nyaoh naih liop sais beis singc; ³buh yuv nyimp jiul yogc yuih, qouc Wangc Menl nyimp jiul eip dol xonc banc lix, jav xih lis wah wap yaeml Jih Duc (yaoc yenv yuih menv naih douh sugx douh sot), ⁴aol yaoc wah menv sungp yuv douh wah jah, deic wap yaeml naih tonk ugs map. ⁵Xaop yuv lail lail yongh nyanl maenl, aol longc diux nyimp nyenc nugs DAENGL qamt bail map. ⁶Sungp dungl xaop bens yuv wah mas douh sais, xongs aol gol map daoc, laengx wox yuv il nup beis sungp ags mungx nyenc.

恐怕他们失了志气。²²你们作仆人的，要凡事听从你们肉身的主人，不要只在眼前侍奉，像是讨人喜欢的，总要存心诚实敬畏主。²³无论做什么，都要从心里做；像是给主做的，不是给人做的。²⁴因你们知道从主那里必得着基业为赏赐。你们所侍奉的乃是主基督。²⁵那行不义的，必受不义的报应；主并不偏待人。

4 你们作主人的，要公平平地待仆人，因为知道你们也有一位主在天上。

劝导

²你们要恒切祷告，在此警醒感恩；³也要为我们祷告，求神给我们开传道的门，能以讲基督的奥秘（我为此被捆锁），⁴叫我按着所该说的话将这奥秘发明出来。⁵你们要爱惜光阴，用智慧与外人交往。⁶你们的言语要常常带着和气，好像用盐调和，就可知道该怎样回答各人。

Lenx Peep Hamk Lail

⁷Lis Tiih Jih Gux jaix nongx yaoc eiv jah yuv deic daengc menv siih yaoc jah ledp lebc xaop. Maoh JANGS mungx sangh beenh siih dens sais, nyimp yaoc gaenx weex lagx eit dos Xus. ⁸Yaoc uv paik maoh touk aox xaop bail, lail aol xaop wox nyanl maenl jiu dah lis nup yangh, eengv aol maoh xoik sais xaop. ⁹Yaoc yuh paik mungx jaix nongx dens sais yaoc eiv, guanl Ah Nic Xih Mux jah gaenx bail; maoh buh JANGS nyenc aox xaop. JAH MAOH yuv deic daengc menv siih aox naih ledp lebc xaop.

¹⁰Yal Liix Dac Gux nyimp yaoc gaenx suiv laoc jah nyimp xaop hamk lail. Max Koh, nongx biius Bah Nah Bah, buh nyimp xaop hamk lail. (Wah touk Max Koh, lis nyenc YADC xaop dah yangx, nuv baov maoh touk geel xaop, xaop laengx sibs daiv maoh.) ¹¹Yeeh Sul eengv sint weex Yuc Sil Duh buh nyimp xaop hamk lail. Aox nyenc weex liix ads jah, gobs LIS samp mungx nyenc naih JANGS wil guagl Wangc Menl nyimp yaoc gaenx siic weex ongl, buh JANGS aol yaoc lis xoik sais lail. ¹²Lis mungx nyenc aox xaop jah, guanl Yix Bah Fuc, weex lagx eit dos Jih Duc Yeeh Suh jah, maoh nyimp xaop hamk lail. Maoh yogc yuih Wangc Menl xic jah, bens juv xaop yenc yenc qouc, dogc liangp xaop nyaoh wul meix xangk Wangc Menl lis xonc xuh, senk sais mags top, SENH lis jaens. ¹³Maoh wil xaop daengh jaix nongx nyaoh Laox Diix Jax daengh Xih Lah Boh Liic jah weex ongl deil hut gungc, menv naih yaoc nyimp maoh weex biingv lis.

最后的问安

⁷有我亲爱的兄弟推基古要将我一切的事都告诉你们。他是忠心的执事，和我一同作主的仆人。⁸我特意打发他到你们那里去，好叫你们知道我们的光景，又叫他安慰你们的心。⁹我又打发一位亲爱忠心的兄弟阿尼西母同去；他也是你们那里的人。他们要把这里一切的事都告诉你们。

¹⁰与我一同坐监的亚里达古问你们安。巴拿巴的表弟马可也问你们安。（说到这马可，你们已经受了吩咐，他若到了你们那里，你们就接待他。）¹¹耶稣又称为犹士都，也问你们安。奉割礼的人中，只有这三个人是为神的国与我一同做工的，也是叫我心里得安慰的。¹²有你们那里的人，作基督耶稣仆人的以巴弗问你们安。他在祷告之间，常为你们竭力地祈求，愿你们在神一切的旨意上得以完全，信心充足，能站立得稳。¹³他为你和老底嘉并希拉波立的弟兄多多地劳苦，这是我可以给他作见证的。¹⁴所亲

¹⁴Mungx sangh ems Lul Jah daol eiv jah daengh Diix Max nyimp xaop hamk lail. ¹⁵Nyaengx xaop nyimp jaix nongx nyaoh Laox Diix Jax jah, nyimp Nyenc Fac daengh wagx juml aox yanc maoh jah hamk lail. ¹⁶Xaop dogc senk naih yangx, laengx longx dos wagx juml Laox Diix Jax, aol JAH MAOH buh dogc; xaop buh yuv dogc senk dah Laox Diix Jax map jah. ¹⁷Yuv nyimp Yal Jih Bul wah: "Jingh yuv xingl ngic, nyac liingx sibs benh ongl Xus, yuv songk legc weex wenp."

¹⁸Yaoc Baox Loc ags nyaeml biedl nyimp xaop hamk lail. Xaop yuv sais nyenh yaoc douh sugx douh sot jah. Dogc liangp singc qaenp bens nyimp xaop gaenx nyaoh.

爱的医生路加和底马问你们安。¹⁵请问老底嘉的弟兄和宁法，并她家里的教会安。¹⁶你们念了这书信，便交给老底嘉的教会，叫他们也念；你们也要念从老底嘉来的书信。¹⁷要对亚基布说：“务要谨慎，尽你从主所受的职分。”

¹⁸我保罗亲笔问你们安。你们要记念我的捆锁。愿恩惠常与你们同在。